

Director di Serlimar Henley Davelaar:

E problema di huma y kimamento di sushi riba Parkietenbos ta bahando considerablemente



ORANJESTAD (AAN)— lema.

Den un entrevista cu director di Serlimar, sr. Henley Davelaar tocante e tema di e molester di huma, cu ainda kimamento di sushi den e dump di Parkietenbos ta ocasiona, el a expresa cu enbidad e compania a tuma nota di e situacion.

Davelaar a splica cu vooal cu den temporada di horcan tin e fenomeno cu biento ta bolter, netamente riba esaki el a sinta cu un grupo grandi di ciudadanonan di Simeon Antonio, tocante e problema aki, pa intercambia idea enuanto con pa mancha e prob-

E funcionario a splica cu nan ta evaluando cu local nan ta kimando aworaki cu ta e residuonan di medicina y cadaver, cual tambe den futuro cercano, den un luna of luna y mey e sistema di incinerator lo keda cla y henter e proceso di kimamento di desperdicio lo keda solucion y lo sosode den forma controla.

E ora ey lo solucion a local ta wordo kima pafu, y loke ta yerba lo wordo kima tambe na un forma mas controla aworaki, unda nan ta check ora e biento ta mas favorable

y nan ta parti e den dos dia.

Dentro di un luna of luna y mey SERLIMAR ta bolbe sinta cu e grupo di habitantenan di bario pa nan pone riba papel y delibera riba tur e palabracionnan cu nan tin.

Davelaar a indica cu e huntu cu su colega Michael Rasmijn a core den tur e area pa wak unda tin mas tanto keho, pa nan sa especificamente, con sa especificamente con pa tackle e problema.

Director di Serlimar a comenta cu tur hende por a wak e ultimo seis pa ocho lunanan cu e huma y candela a baha considerablemente, pasobra Serlimar a cambia su aanpak con pa atende cu e grovel cu tin, pasobra desperdicio residencial y comercial no ta bay mas na dump.

E parti di grovel cu lo bin semper mester tene cuenta cu factonan manera solo cayente, zuurstof gas, y na momento cu e no ta bon tapa



esey por causa huma of candela. Den e cambianan di operacion a percursa pa esey no ta e caso mas. Pues, Serlimar ta tumando tur e medidanan necesario pa tin e situacion control, señor Davelaar, director di e compania a subraya.

Director di Serlimar a remarca cu e tabata tin un bon reunion cu e habitantenan di e bario, riba nivel, unda tur hende a trece nan punto di bista, y e compania di su banda a trece dilanti e solucionnan cu nan a tuma, y tin un linea di comprendemento y naturalmente lo haci un seguimiento cu nan, mas pronto posible, pa wak si nan kehonan tambe a baha.

E director di Serlimar a subraya cu mientras tanto nan traha huntu pa un medio ambiente sostenible, e meta ta wordo logra, pasobra e ta bin di dos banda y no solamente di e trabao di Serlimar. E mensahe ta yegando, un ta compronde otro, y nan tur tin e mesun meta na final di dia, nos tur kier bibe den un medio ambiente dushi y saludable, y pa e muchanan cu ta lantando crece den bon salud.

Pesey den futuro tin un plan delinea unda estrechamente cu scolnan, lo bay duna charla pa gruponan di alumno den e centro di reciclaje pa nan wordo concientiza den e aspecto con por reduci, reuza y recicla, cu ta e sistema circular cu gobierno kier yega na dje.

Tambe den e centronan di bario lo duna charla pa den cooperacion cu e habitantenan intercambia di idea y opinion, y asina trece e mensahe mas cerca di e ciudadano. Esaki a haci falta pa hopi aña y esey Serlimar ta bay enfoca hopi riba dje, proximamente, segun e director Henley Davelaar.